




Комсомолю ВДЙГЯЛЬ

(TACC)

Соревнованиясь аделаф
Спартак* обществать
юношеский команданц и
зыковский колхозной
физкультурникнень фут-
болса налхкомаснон мар-
хта.



Фотось Ивентъ

Ленинськ ордена кзыф 8 ломатт, Трудовой Якстерь знамянь ордена—20 ломань, „Знак почета“ ордена—34 ломань, „За трудовую доблесть“ медальса кзыф 21 ломань и „За трудовое отличие“ медальса—20 ломань. (ТАСС).

Комсомольский ЭРЯФСЬ

Саранск очень комсомольский актив собранияста

Исяк аделазе эсь работавц Саранск очень комсомольский актив собранияста.

Докладчикс, ВЛКСМ-нь Мордовский обкомт секретарец Соловьев ялгас, пях яркайста эсь докладсонза азондозень ВЛКСМ-нь ЦК-ть пленумса лихтьф афсатыкнень, конат мушендсть васта и минь республикасонк.

Комсомолс арси самодеятельнай организациякс, во сонь кели самодеятельностенцы шорсесь оцю штатонь лувкссь.

ВЛКСМ-нь Саранскийн горкомт штатса лувондовсь 14 ломань, а активсост лувондовсь фкя комсомолец. Терпимай ли тяфтама фактс? Конешна аф. Тя корхтай сянь колга, што Саранскийн горкомс комсомольский массат исце тарксе активнай самодеятельнай работас, сембе работатнень тиендеш штатнай работнике.

Соловьев ялгас няфтс докладсонза тяфтама пример: 1939-це кизоня ВЛКСМ-нь обкомс тись 400 командировка и аш ВЛКСМ-нь стама райком, коса изь уленде эрь ковня обкомонь представитель. И мезяма лисендсь ся, што тя представительс авецек шорсесь райкомонь секретарть самоинициативанцы, мезень сюнеда вярде ащи сембе организациятнень решениясна ушеткшневсть пшкотькшневма аныцек нязь, мязьда сашендсть обкомста представитель. Или вов тага пример: Мязьда Саранскийн Пединститутса комитетонь секретарькс работас аф освобожденнай работник, активс работас цебарьста, а платнай работниконь путомда меле активс кармасть солама.

Аф йолма васта Соловьев ялгать докладсонза заньпи военно-физкультурнай работас, дисциплинась, членский взносонь пандомась и стирьнатнень мархта работась.

ВЛКСМ-нь ЦК-ть XI-це пленумонц решениянза Саранскийн комсомолецнень мархта васифтьф оцю одобрения мархта.

ВЛКСМ-нь ЦК-ть XI-це пленумдонза меле

ВЛКСМ-нь ЦК-ть XI-це пленумдонза меле ВЛКСМ-нь Ельниковский райкомс комсомольский хозяйствать ладямаса, а сембодонга пях членский комсомольский взносонь пандома тевть цебарьгофтомаса йотафтсь оцю работа. Тя работась, однака, няфтезе, што кой-кона первичнай комсомольский организациятне и башка комсомолецне пях грубайста нарушандакшневзь членский взносонь пандомать колга ВЛКСМ-нь ЦК-ть инструкциянц.

Тяфта, например, Од Девичья и Александровка велень колхознай комсомольский организациятнень секретарьсна Кочнев и Минькин комсомолецнень - трактористнень кядьста членский взносот сявондсть кода колхозниконь кядьста, а доплатительнай заработкасн ашезь лувонда. Тякажа велень школьной комсомольский организацият секретарец Ушаковась членский взносонь пандомать эзда сознательна кяшендесе эсь фактический заработканц. Сон ковти зарабатывала 500 целковайда лама, а членский взносот паннесь аныцек 300 целковайста. Членский взносонь пандомать эзда тяфтажа эсь заработканц кяшендесе Алышева комсомолкаське.

Тяда башка лихтьф што ВЛКСМ-нь первичнай организациян кой-кона секретарьне членский взносонь кочкямать лувондозь работань второстепеннай участкак, мезень сюнеда Александровка, Молчанова и Сюзелятка велень первичнай организациятнень секретарьсна Минькинц, Ульмовсь и Стручковсь членский взносонь кочкселезь случаяста-

случайс, 5—6 ковти весть.

Районца ульсть аф кржа случайхть, мязьда первичнай организациян башка секретарьне кочкаф взносонь афолезь макссе сберкасса. Например, Ельниковский средний школань комсомольский организацият секретарец Бахметьевсь комсомолецнень кядьста-кочкаф взносонь канезень эсь зепсонза 5 ковда ламос. Тяса членский взносонь коряс задолжностьс касондсь 300 целковайда ламос. Бахметьевть эзда ичкози ашезь ту „2-я пятилетка“ колхозонь организацият секретарец Кудашкинц, конац кочкаф взносонь сберкасса исцень макссе 4—5 ковда ламос.

Тяфтама безобразнай фактне корхтайхть сянь колга, што ВЛКСМ-нь райкомс ВЛКСМ-нь ЦК-ть XI-це пленумдонза инголе работань тя важнай участкак эзда ульсь оторваннай, сон конкретна тя тевть мархта ашезь занимадакшне.

Первичнай комсомольский организациятненьди, коса членский взносонь пандома тевса ноляфоль лама эльбяткст, ВЛКСМ-нь райкомс тияни максси эрь шиня конкретнай лезкс. Сон тязя кучси активист, конат комсомолецненьди азонкшнесазь членский взносонь огромный важностень значенияснон. Тяда башка активистне комсомолецнень ознакомдакшнесазь ВЛКСМ-нь ЦК-ть мекольдешь пленумонц решениянзон мархта. Тя работас пях способствовандай комсомольский дисциплинировать кемокстаманцы.

Бирюков.

Эрь сменати пцтай кафта нормат

„Сире Большевик“ колхозса пях ударнайста йотафневи тишень урядамась.

Тя оцю важностень тевть эса комсомолецне и колхознай одломатне ащихть васень ряттнень эса.

Комсомолецне: Невкин И. Ф., Буйнов А. И., Тишкин И. Ф. и лия ялгатне шинь норматнень пшкотькшнесазь 175 — 200 процентс. Тяфта жа трудонь обрзецт няфни комсомолкась Буй-

нова Е. С. ялгас, конац тишень кргамань норматнень пшкотькшнесыне вельф.

Нят комсомолецне и комсомолкатне сембе колхозникненьди и колхозницатненьди ащихть примеркс.

Но тяфтажа сави азомс, што кой-кона комсомолецне, кода например, Автайкин А. Ф., Дьяконов А. А. и лиятне тише лядемаса работакшнихть калдываста,

И. Горский.

Сире Синдровань район.



СНИМКАСА: Живой скульптура „СССР-нь сембе граждатне имеют права образования“ Краснослободский аф полнай средней школань ученицатнень исполняса.

Редакцияв сьормат

„Комсомолонь вайгяль“ газетать редакциязонза мекольдешь пингть кармасть сашендома лама сьормат сянь колга, што лама колхознай комсомольский организациява политико-воспитательнай работас ладяф пях калдываста. Вов мезе сьормадыхть колхозста рядовой комсомолецне:

Ст. Синдровский район. Жемногова—Выселка велеса аш первичнай партийнай организация. Казалось, што сонь тевонзон тяса пшкотькшнесыне первичнай комсомольский организациясь. Но аф тяфта ащи тевсь. Первичнай организацият секретарец Андреев ялгас колхозса кодамовок работа аф вяти. Сонь нльне лемонца колхозса афи содасазь, што сон комсомольский организацият секретарец. Комсомольский руководителсь, кода правила, должен улемс ламода сяда грамотнайкс политически, чем иля комсомолецне, а Андреевсь мекланкт, сембе тевса иляткшни эряфть эзда.

Я. Кудашкин.

Рыбинский район. Сейтяновка велень комсомольский организацият секретарец Неяскин вестенге аф эряй од ломаттнень йоткса, аф вяти синь мархтоост эрявикс воспитательнай работа. Велеса фкявок комсомолец аф работай агитаторкс, или чтецекс. Синь йофси аф работайхть эсь политический кругозорснон кеподемаснон лангса.

Дисциплинась организацияса лафча. Комсомолецс Учеватовсь фкявок собранияс аф сашенды, тяфта и членский взносонзонга паннесыне аф аккуратнайста.

П. Волков.

Сембе нят сьорматне корхтайхть сянь колга, што лама колхознай комсомольский организацият тячимс нинге кода эряви ашезь шарьхкоде ВКП(б)-ть XVIII-це с'ездонц решениянзон и сят задачатнень, конатнень путозень комсомольский организациятнень инголи ВКП(б)-ть уставон, конац примаф партият тя исторический с'ездсонза.

ВЛКСМ-нь райкомтненьди, тиемок эсь работаснон ВЛКСМ-нь ЦК-ть XI-це пленумонц решениянзон коряс, эряви шарфтомс максимум мьял колхознай комсомольский организациятнень работаснон лангс.

Ответ. редакторть заместителю И. ЧУДАЙКИН.

Идень творчествань республиканский олимпиадась итогонза

Июльть 12-це шистонза аделавсь идень творчествань республиканский олимпиадась. Ниле шинь пингста летняй театрать сценасонза выступали республикань кафкасаядошка жизнерадостнай школьник: музыкантт, певецт, декломаторхт и стак тов.

Васень колма шитнень эзда ванфтольхть сембе райоттнень выступлениясна, а нилеце шиня ульсь няфтьф заключительнай концерт.

Кода олимпиадаса, а станя жа заключительнайть эсовок Ковылкинский райононь народнай инструментонь оркестрась, конань мархта руководит Чигонашин ялгас, оцю мастерстваса исполнил „Детский симфоният“ и лият.

Зубово—Полянский райононь тан-

цорхне исполнили „Полянка“ танецт. Башка эряви отметить тя райононь народнай инструментонь оркестрть колга, конац нюрхкяне пингста сатсь оцю сатфкст тя тевса. Син марса школань хорть мархта исполнили „Богатая невеста“ фильмаста „Ой, вы кони, вы кони“ морт.

Инсарский райононь кафта ученикт замечательнайста няфтезь „Волга—Волга“ кинофильмаста „Водовозонь“ инсценировкат. Тяда башка Горбунова ученица Чарли Чаплинкс исполнила „Пастушек“ танецт.

Рузаевка очень самодеятельностись исполнила групповой и индивидуальной лама номерхт. Гулинась аф калдываста исполнила „Колыбе-

льная“ морт, Каныгинась и Шпиль морасть „Москва—порт пяти морей“ морт, Бариковась декламировала „Машинист революции“ стихотвореният. Тяда башка выступали Лямбирский, Ичалковский, Чамзинский, Краснослободский, Ромодановский райоттне и Саранск ошсь.

Башка эряви лоткамс Краснослободский средний школань живой скульпторхнень работаснон лангс, „СССР-нь сембе граждатнень улихть правасна образованият“, „Отечествать ванфтомац—СССР-нь эрь гражданинть долго“, „ОСВОД“ и лият, конат тифть образцовайста.

Олимпиадаса жюрись васенцевасть и ВЛКСМ-нь обкомт переходящай якстерь знамянц присудил Саранск ошти. Омбоцевасть—Ичалковский районти, колмоце васть—Рузаевка ошти.